

দেশে একটি পূর্ণাঙ্গ

শিক্ষা নীতি

প্রয়োজন ৩/২

(নিজস্ব সংবাদদাতা প্রেরিত)

ফরো, ২৮শে ডিসেম্বর।—

বাংলাদেশ কলেজ শিক্ষক সমিতির ফরোর শাখার বার্ষিক সম্মেলন সম্প্রতি এখানে অনুষ্ঠিত হয়। এতে প্রধান অতিথি ছিলেন বিশিষ্ট সাংবাদিক শ্রী নির্মল সেন। সভাপতিত্ব করেন জনাব তরিকুল ইসলাম।

শ্রীনির্মল সেন তার ভাষণে বলেন, শিক্ষাক্ষেত্রে যে নৈরাজ্য চলছে তার অবসানকল্পে একটি পূর্ণাঙ্গ শিক্ষানীতির প্রয়োজন। প্রায় গত ২৫ বছর ধরে শিক্ষানীতি সম্পর্কে বিভিন্ন কথা বলা হয়েছে ও একাধিক কমিশন নিয়োগ করা হয়েছে। কিন্তু আজ পর্যন্ত কোন পূর্ণাঙ্গ শিক্ষানীতি ঘোষণা করা হয়নি। তাই আজ সবচেয়ে বড় প্রয়োজন একটি পূর্ণাঙ্গ শিক্ষানীতির।

তিনি আরও বলেন, বেতন বাড়লেই শিক্ষা ক্ষেত্রে কোন পরিবর্তন হবে না। শিক্ষক তথা সমাজের সচেতন নাগরিকদের সর্বাত্মক প্রচেষ্টা চালাতে হবে সুষ্ট শিক্ষানীতি আদায় ও বাস্তবায়নের জন্যে।

অনুষ্ঠানে বাংলাদেশ কলেজ শিক্ষক সমিতির সাধারণ সম্পাদক অধ্যাপক এম শরীফুল ইসলামও কতব্য রাখেন। তিনি অসম্ম শিক্ষা ব্যবস্থা ব্যতীল ও বেসরকারী কলেজ শিক্ষকদের ন্যূনতম চাহিদা মেটানোর জন্যে সরকারের কাছে আবেদন জানান।

সম্মেলনে অধ্যাপক কাজী নাজমুস সাদতকে সভাপতি ও অধ্যাপক শেখ আবদুল ওহাবকে সম্পাদক নির্বাচিত করে ২৫ সদস্যের একটি কার্যকরী কমিটি গঠন করা হয়।